

چشمین چشمین خانچ کتھ

(شار سو مبرن)

3399



کلہن کول



شری سنی لعل "گچی" جی لیں

لعلہ سے اویہ مسان

لعل

کلیں

शारदा पुस्तकालय

(संज्ञावला या दा केन्द्र)

क्रमांक

3399

چشمَن چشمَن خانچ کتھ

(شارِ سؤ مبرن)

کلہن کول

ادھر ت پبلکیشنز

کلہن کول

﴿ساری حقوق چھ مصنف ہند ناو محفوظ﴾

کتابہ ہند ناو : ”دشمن دشمن خانچ کتھ“
مصنف : کلہن کول
کمپیوٹر DTP : آئی آئی ایل ایس
471/A، سیکٹر 2، ونا یک نگر مٹھی جوم
رکتو کول # 9419136369

چھپن وری : 2015 عیسوی
مول : ڈائے ہتھ روپیہ (Rs.250/=)
ناشر : ادھرت پبلکیشنز

**A collection of Kashmiri poetry by
Kalhan Koul
Published by Adhrit Publications**

کتاب میلنگ پتاہ:

- ۱۔ کتاب گھر کنال روڈ جوم تہ مولانا آزاد روڈ سرینگر۔
- ۲۔ مکان نمبر 31، گلی نمبر 1، بلاک B، روپ نگر اینکلو جوم۔

موبایل نمبر: 9858294130

سمرپن

مینا بن جذباتن ہنر یہ ڈاکر چھے

مینا ماجہ

سورگہ واسنی پوشہ گجہ

ارپن

یوسہ مینا سوچن ترلیہ

ہنر حقیقی آگر چھے

فہرست

9	کھن لال کنول	:	آش پچ
21	کھن کول	:	میان کتھ

غزل

25	بے گر چھس توتہ کاشتر چھس کشرے ناز منوئے دُچھ	1.
26	واو ریکشا یو رسالس آسہ ہے	2.
27	دل دودسہ دزاں چھم اچھو دُریا دُبر تھ آس	3.
29	کتہ اوس از لے پانس تانی	4.
30	یہ چھ اند وند بُستی یازن ہنر بیہ یارس زانگان یار متیو	5.
31	خُدا یا وونی چن منوئے پھلین تمہ آسہ سوئس منز	6.
32	دگ دُترہم جگرس تہ لیکھم شار کینہہ	7.
33	یہ شاعر تاز شارن منز پگاہ تے حال لیکھن چھم	8.
34	منز سوئیہ سرس واو رنگا گزائے غزل میانو	9.
35	دون اش قطن منز سوئے افسانہ دُون	10.
36	موچھ منز بہتہ شوقل کینا ہما تھ خوش باسینوم	11.
37	طرحی غزل: ”خبر چھا صُح دم روزیا نہ روزیا (ساتی)	12.
39	پار دکر زیو منظر اچ کتھ	13.

14. میں باسان دُنہ تَنے آسی مائے میانی تَوے لیو کھم 40
15. گنہ شچھ دُنم داوَن کہہ تیی از یار نگارو 41
16. دزلیہ مانتہ اُس رُچھمتی یار کتر 42
17. مووُمن کمر ہنڑ تھنڑ تڑی تڑی کمر دیت شہر س نارا ہے 43
18. نئے پُرکھ غزل زَن پُرُم زَندگانی 44
19. اگر نہ روشکھ بہ لیکھ چانہن خُمارِ چمن خُمار کوتاہ 45
20. سَنسان گلی کوچہ پریشان سہ شہر اوس 46
21. سر پہ کالے لُوس سا دتھ حوصلن 47
22. رتہ کھلہ ہیئہ اسمان خُدا گو تھ خار گُرن 48
23. چانہ جبر کر خُرف ہوا دُواں لوت لوت 49
24. ازی تہ لوگ بنیہ پھیر خیالِن راتھ کیت 50
25. گزشمہ زنجن مژ شہلنگ پئے پانام لکھو 51
26. سائین برنن سرین لیو کھ آوار پتاہ 52
27. بے نور اچھن اُس مڑ ہلک خاب ڈلتھ آکھ 54
28. ٹوٹھ آدن گام مشراوان بس 55
29. نظریہ تھاوان حساب بدلے 56
30. نہ چھہ ڈبکہ گہہ گنڑ پشلیمہ کانہہ 58
31. ماچھ رتنی ماگئیہ گلس نش گوو یو مبر سیمہ رایہ تے 60

32. صُبح شوقل تہ سور مکر شام دِکھنا 61
33. مَوْتِ یُس از تانی و اُرائن مَنز کِنہ کِنہ گُری گُری تھادان اوس 63
34. دیوارن پٹھ لیکھی لیکھی تھوڑی آوار اچھر 64
35. میانہ گر کر آنگن پُدر کر دُچھ تاجھ دپس 65
36. امارن پاؤر کم کم بہ کیناہ ونبہ ہس 67
37. مَس کھاسر اچھو ولہ ترانظر اُش ناکر دُچھکھ اِ یاد پئی 68
38. مُدے یون گن مگر اظہار دُچھمَس 69
39. زولانہ ڈٹھ نیر منگ باز پگاہ ہو 70
40. کراں گپہ کار آدم ذاتھ راتس 71
41. پو د پو دتر اوان تر اُوم دھ 72
42. میانہ گاج زون راتس ونبہ مے ژھاران آسہ ما 74
43. از بیہ تے کر کتھ تار مونی 76
44. دِلدار دِلکو داغ تے رتہ بانہ جگر دُچھ 78
45. از بیہ کور لولن ہول دچھس از یکھ تے قدم پاؤر لگے 79
46. قاتل چھے نظر جائی سہول یہ بحر چون 80
47. میانہ دِلہ گئے حال یو زتھ کیناہ کرکھ 81
48. الہ الہ کرونی لب چھم یاد 82
49. کبہ آگر کر مہراب پوئس تزیئہ ہتی روؤر 83

نظمیہ

- 85 1. مَاج
- 86 2. گنبر
- 87 3. وِدا یی
- 88 4. کوٹھش تہ کٹھ کوش
- 91 5. وِہراتھ دوپر
- 93 6. انقلاب
- 97 7. دِسگاہ
- 99 8. رتہ کھلہ اسمان
- 101 9. تھلکن
- 105 10. آہی
- 107 11. کھور کھوٹھس
- 109 12. ووش
- 111 13. پِگس یہ ونہ ہا
- 114 14. الہ شہر
- 116 15. نئے چھم مالک وِٹمنت
- 118 16. دَا ن تھر
- 121 17. دو مید
- 124 18. ٹوکہ سُر
- 126 19. دِل چھا کھل پھلہ ناس گنہس
- 131 20. خاب
- 133 21. تپلہ سُرکھ

آش پکچ

نمہ پتہ جلاہ وطنی ہند بن ڈاسن دہلن منز ووتلیہ داریاہ آواز کاشر
شائری ہندس پزلونس زگلس منز یمو کاشرس شعر ادس لول برنگ جسہ خاز
کور۔ مگر یمو آواز و منز نیمہ آواز سارے ہند دینا پانس کن پھیر سو موڈر تہ
منفرد آواز چھ کھن کول ہنز۔ یوسہ چھراتس پنڈر چھ تہ باقین نش چھس
ژاڑھ الگ کڈان۔ یہ آواز چھ نو تہ تاز دم سوچکر نہ ڈندر ڈنراونچہ کوششہ
ستر غور و فکر کر ٹو درواز یلہ ژاڑھ و پھل وال نظرن شفقہ سورخی منز رقص
کرناوان۔

ییلہ تہ مے کھن ہندر شار بوزر مے باسبو و زنتہ کورن ہند پکچ واو
چھ ففہس منز دؤر دؤر تام شیشی کر تھ نو گنگرلیہ ہند پے پتاہ ووان۔ تیکناز اکر
سند باوژ بل چھ شار پرن ولس یا بوزن ولس پانس ستر ڈوہتہ نوان تہ تمہ
دگہ ہند باس کرناوان یس اکر ہنز نظمن کبو غزلن منز ڈھٹہ ماران چھ۔

کھن کول ہنز گوڈنچ یعنی ساڈروار شار سؤمبرن ”پشمن پشمن خانچ
کتھ“ چھ اکہ و ہن نظمن تہ گونواہ غزلن پٹھ مشتبل۔ نظمن ہند بوگ یو دوسے
کے پہن چھ مگر معنیہ سو آسنہ کنز چھ بڈ اہم تہ زوردار۔ نیمہ وٹک المیہ یس
کھنن وارپاٹھر ژوڈمت تہ بہتر وومت چھ، سہ چھن سبٹھاہ فن کاری سان
ورتوومت تہ۔ اکر ہنز تخلیقی عمل چھ ہنہ ہنہ زوردار بنان تہ پرن دول چھ اتھ

منز سرگرمی سان اُڑ رہے تھے امیگ ہر تر تان۔ نظمیں ہند معنیہ سوو آسن چھ لفظن
 پٹھ دُڑتھ آسان تہ اتھ منز چھنہ کانہہ تہ شک ز مخصوص لیکھن و طیر تہ بدؤن
 سوچن تر اے چھے اچھر وردہ ستر ناکار پاٹھر پرن داس تہ تھر مقاس پٹھ
 واتناونچ کوشش کران پینن تخلیق کارن پانہ اتھ منز غوطہ غوتھ گرہن آسہ۔
 اتھ منز چھنہ کانہہ تہ شک ز کلہن سُنڈ باوڑ بل چھ کتہ رتہ ور اے نو حصہ آگہی
 ہند ز اُنکو زالان تہ تر پلس منز تہ چھس نہ کانہہ تھوس یوان۔

اُڑ کس سما جس چھے افراتفری، زورادری، غارت گری، چھلہ چھاگر،
 شب خون تہ زور زبردستی ہشو بلا یونال دولمت سیمیک ٹبٹھ وینہ پو شاعر س تہ
 زبر پاٹھر ز ہن تہ چون۔ یو تے یوت نہ بکو کہ گر بار نشہ تہ چھو لن اتھ۔ سو
 دگ تہ تچ پوت گر ز چھے لازمن تخلیق کار س تہ وانگ کرتھ ستر ستر روز ورن۔
 امہ کنز ”کوٹھش تہ کٹھ کوش“ ہشہ نظمہ تھنہ پینہ چھ لازم تہ تہ برحق تہ:

رہمنس کوٹھش تے آکاش کٹھ کوش
 وٹھن لُج موہر گوو اچھن منز لگتھ اوش
 چھ تارکھ کھوتین منز ژھوبے ستر ژھوکمتر
 نہ وزل گڑھان تتر نہ لگراے دولان
 شریمتر دلس منز سبٹھاہ سر یہ ازتام
 تمی پانہ دولن پگاہ یا تہ کالی

(نظم: کوٹھش تہ کٹھ کوش)

پڑھ صُورت حال چھئے نا قابل برداشت مگر ژالہ ور اے مچھنہ چار۔
اما ونہ بغار تہ کتہ روز کلہنس ہیو شاپر:

دور دیمتہ بالہ پتر کز
اوپر ڈیونگا گوونمود

دند ٹکان

دزملہ کران
کزکھ کزن گراے زن
سرکشی لکھتھ ڈکس
زن تہ سانگوپان
کرائتی کارو کانہہ

(نظم: انقلاب)

تہتھس تزیہ طوفانس منز دزن تہ چھئے بڈکھا۔ تجزیہ تہ تھہ ستر ییلہ
مُشاید چھ ہم آہنگ سپدان تہ تخلقی عمل چھئے شور و گزوان۔ اچھن درپٹھمان
یہ پرد تہ پٹن پلناو تہ چھ بوسہ دتھ رنان۔ مگر:

بلبلو

شہرس گومت
چچہ پھیر اچھن
چلو اے لکھ

مے وؤن پنہ نو

ژلن

ہہ نیرے راتھ کیت

خبر پھیرانہ پھیرا

سچ پتہ

سوئتہ کاکر واپس

(نظم : دسگاہ)

تلیانہ پنہ نو وؤن ”ژلن“ تہ ودرن کس خطاہ..... یہ سارے چھے پزرس پٹھ
مہی تخلقی عمل تہ اچ واپسی گرز تہ چھے ضروری۔ شاپر ہنر کائے چھے تمہہ وچ
اہمانداری سان باوتھ گرنی تہ نہ باگہ آسہ آمت۔ یہ چھے اہماندار شاپر
ہنر پز باوتھ یوسہ نظر گزہان چھے۔

ازیک آدم چھ ہتر ہوئی کھنومت۔ رنگن، زائون تہ وٹن منز چھ
باگرہ تہ تھ سچ پاسدومت۔ پزکو چھس وحشی پن اگاد گومت، تہہ بتر اژ چھ
نیال گالکو تہ نابود کرئکو زھل بل کران۔ ہے افسوس:

کیناز پوٹن رنگ چھوکتھ

رنگ ساز وں

کیناز پوٹن میو گزہان

کیناز چھکھ یم ویکر کران

گس ٿ ٻاوان ڇڻڪھ

ڀنڙ جودو گري

کينا ٻرڊن منڙ بهتھ

کينا هتام کران

کينا ٻر آدم ذاتھ

ذ آڙن باگر تھ

پانہ آدم رتھ چوان

(نظم: رتہ کھلہ آساں)

کھن ڇھ اتھ کتھ گن واضح اشارہ کران۔ ماے محبت، وڏھن ٻھن،

خبر اتر پڙ ڇھڙ تہ لول ورتاؤن ڇھ وڏي خاب سپد مت۔ مگر اتھ برعکس ڇھڙ تہ

صورت حال:

وآران تہ ڇھس

وآران منڙ

ڏولان تہ ڇھس

ايوان منڙ

ڇھس گن زون پيتہ ارسا منڙ

ڇھس تزيشہ ٻوئے برسات منڙ

سنگلاخ مکائن ٻھڙ بُستي

انزان مکین ہنر بستی

پیتہ لکر واراہ

تمہ آہ نہ کانہہ

بوڈ بار شہر

ہمسایہ نہ کانہہ

(نظم: تھکین)

یو ہے چھ نیمہ وٹک بوڈ بار المیہ کہ سارے چھلہ تہ پھلہ۔

رشتن چھ مانہ مطلب بدلتے۔ نفسا نفسی ہند چھ عالم تہ کانہہ چھنہ

کانہہ عتر تہ پارک زان چھے ڈجھو۔ کلہن چھ اوے یار ون تراوت:

گہے وسجار عالم

کل کڈان

چھکران زن

گہے دوسہ دولہ تہ تھ

سونچس کران

قادران

گہے!

اخبار ورقو پٹھ تلان

جائے، تارخ تہ وار

نے نکھ ہمسایہ ہنر
دپان تکلف اوئس
سورگہ واس

(نظم: کھوری کھونگس)

وچھان وچھان گئے وُرک یہ پنڈہ ہر مگر سو دگ جھنہ ہمان یوسہ گر
راوَن بخشہ چھن۔ عسکری قوٹن ییلہ واش کوڑ ریشی وار لوگ نار۔ نفرتن کوڑ کلہ
تہ وائسن ہندس سمہ ژارس گوکھو پھرنٹھ۔ لچھ بدن کرکھ ہلنڈ تہ جلاہ وطنی
ہند زہر پو پنہ نیسہ وطنس منز دلمہ دلمہ چنوں۔ کہن چھہ پٹھہ پٹھہ و بڑھنان:

موضمن کمر ہٹو ژٹو ژٹو کمر دیت شہرس تارا ہے
قبرستان لوگ تاپرا بُستی گوو لہ پارا ہے
کتبن گوو پیٹہ لٹھہ امارن لاشن پو لا وائٹ ناد
کینڈو نکھ دیت ہٹھن گوو برن کینڈون رہہ دستارا ہے
تہڈپس تھوڈ بٹھ نہناؤتھہ اَسہ مڑھ پائس پائے ہاے
گور شیلہن گر بنہ ٹکراؤتھہ بونہن کور بیکہ تارا ہے
جلاہ وطنی منز یس پنہ وطنک احساس ووتلان چھہ تمیک باس چھہ کہن
پٹھہ پٹھہ دوان:

اؤر ییلہ ییلہ ژنے کن دوران وچھم نے وونمس
ژنے شچھ شپن وئی ما داے میانی تَوے لئوکھم

شوڻگان شامن به چھس سوڻچھ ڀڳاه ميلو
وناں اخبار صُڄائے نياے جاني تَوے لئو کھم
مگر دُون مَنز تہ چھنہ کلہن نو پڳج آش تراوان تڪنِيازِ به چھ
آشاد اُدي:

خُدايا وِڊي چمن ميوئے پڄلن تمہ آيہ سوڻس مَنز
سُمن پنيہ يار دُور يَڪَر بئن همسايہ سوڻس مَنز
بگَر هوٺ بلبَلن گوشت گمَر بند قَاد خان مَنز
مُڊرتکھ تار زولائن دُون بے وليہ سوڻس مَنز
هوا گوڙھ نفر تڳ موکلن صبا گوڙھ موحبتک پھيرن
به رڻ بَن نالہ آش نارو سہ ونہ هم بھايہ سوڻس مَنز
کلہن چھنہ فقط غمس للہ کھول کران۔ به چھ لولس تہ لوليہ متہ لالے
کران تہ معشوقہ پندس دُون ملو رويس تہ دولتھ گتھ کران کران بوس لوڙ رادان:
مَدے يون کُن مگر اِظہار دُچھمَس
اُچھن مَنز شولہ دُون سمار دُچھمَس



از بيہ تے کر کتھ تار مَوي
به تہ ديدو دُچھتھ وار مَوي



از پیہ کور لولن هول وچھس از پکھ تے قدمن پائر لگے
از روئس تھو وٹل پرد لگے از دلہ ہے یلہ ژھن تارک لگے



ہے پائر چوئے خیال نظمیں ہے شیر غزلن گُمان چوئے
ژہ باتھ بڑتھے نین کھسکھ اد وئے مے چوئے امار کوتاہ



دون اُش قطن منز سورے افسانہ وژن
ظاہر، باطن، سورے موے میخانہ وژن



کھنس چھ نبرل انداز بیان تہ سوچہ فکر۔ چھ پٹھی چھس غزل
لیکھنس گن زیاد روحان باسان۔ اُمر ہندین شارن منز چھ نوبر۔ روایتی تہ
گہنہ آستر استعارہ تہ محاورہ چھنہ تہ پٹھی استعمال کران۔ بیمہ مثالہ چھنہ اتھ
کتھ واش کڈان:

کھسہ آسمانس میانہ اشک باہ تہ اوبر کر پٹھی
گلگرایہ شکن شور وژن مینون پزر وچھ



تہ گس مطلب سٹین کناہ اوس
اسونی گندونی سب چھم یاد



میانہ گر کر آنگن پُر کر وچہ تا پھ دپس
 بریس تھاون ٹھری جتھ کورس معاف دپس
 میانہ وجودج شہادتھ میو تل کتر دن
 یم چھا کاغذ تلمہ ژٹھ کر صاف دپس



موچھ منز بہتھ شوقل کینا ہتامتھ خوش باسئوم
 جوش، جوآنی، کل کینا ہتامتھ خوش باسئوم



تم شینہ گبر پزنی جان جگر بیتہ رڈر نہ تھلک سائیں تل
 دودھ راتھ نژاں سیکہ شاٹھن منز نہ وائر وچھکھ اڈ یاد پئی



موت یس از تانی وائرآن منز کینہ گری گری تھادان اوس
 صُجائے ڈیوٹھم وتہ پٹھ کتر بن کینا ہتام لیکھ لیکھ تھادان اوس



دوستاد لگے چائی سبق اُسر کتابی
 ناکار سبق کالہ پتر میخانہ پرتھ آس



از میانہ اندر لکھ چھ پڑان ٹورک وتن پٹھ
ون میانہ گلو سوئہ سلی کیا ز پھولتھ آکھ

☆

پٹھ کنہ دنہ آمہ پڑ مثالہ چھے ثابِت ودان کُرتھ ز کھنس چھ غزل
لیکھنگ جان پُر۔ اُمر ہندس کلاس منز چھے سنجیدگی تہ نوہر۔ برل محاور سازی
تہ لفظ و تریک بے ولیہ استعمال، خیال منز رنگینی تہ بے پھر ذک انداز بیان
چھس باقین نش الگ استاد کران۔ دراصل چھ اُمس لود وِل یُس مایہ تہ لولہ
سُر بُرتھ چھ۔ وُچھو یہ رکتھ پاٹھ چھ پھولہ وُسن لفظن منز کور و اُردو نیرہ وِز
اُہی کران تہ پران پران چھ پائے انسانس مینگر ہندر پاٹھ اتھ دوتھان:

شجر شوہر گلو گُمرار تھورنہ
ژ گڑھ و اُردو وتن شہجار تھورنہ
ہلم بُر بُر ژنہ تھورنہ شادمانی
اتھن برکت کتھن ملوار تھورنہ
منٹھ چائی چھ مائس مائس پوز
مے کیاہ دیتے ژنہ دے موختار تھورنہ

مے بارہ کتھ تام ہیو اگر نہ یہ ”مُج“ ناؤر نظمہ ہند تذکر کر۔ یہ نظم
چھ کھن نہ شود، صاف تہ شروژ سوچک تصور پاد کران۔ مے چھنہ تہ پاٹھ
والہانہ اندر کر شار نظیر گاؤر۔ ہم چھ زمہ چہ دوجہ پٹھ تہ پاٹھ چھاپ
سپدان ز کانہہ تہ ہیکہ نہ یمن کنہ تہ پھشہ مٹاوتھ:

مانج چھکھ ٿڙے مایہ کج مستانہ مانج
 دائر لہے دردمند دردانہ مانج
 چائی اُہی پکے چھے واتاں آسمان
 اڍ چھ بزر بزر میانی ساری بانہ مانج
 چھنکرس پٹھ ونہ بہ کہ کھنن چھ اُز کہ دھک وینہل واو تہ برینہل
 جنگل وچھمت تہ بذات خود امہ منزک دزامت۔ اُچ تباہ کاری تہ ٿڙہ ٿڙہ تہ
 پھن دگ تہ پتر اوہڙ۔ امہ سپہ چھ اُک ہندس کلہم کلاس منز اندریم دود
 کلہ کڈان تہ نیرم ہوا نواح تہ واش کڈتھ ٿو شچھ ہاوان۔ اُک ہنز شاعری منز
 چھ نوبر تہ بہ چھ پرتھ لحاظ معنیہ سادبر ہتھ اُکس آپرلیہ ہندک پاٹھک کار
 کڈتھ انگہ انگہ رنگہ مدرلیہ تہ ہاوان تہ دل تہ یوان۔ ادب نواز دوستن پزن
 ٿنگہ دتھ امہ منز لال بد کڈنی تہ آئندہ تہ پزاؤن۔
 بہ چھس کھن کول صائبس یہ شاہ سومبرن چھاپ گرتھ امہ تام
 واتاؤنہ باپتہ مبارک تہ کران تہ اُہی تہ۔

مکھن لال کنول

جگتی ٹاؤن شپ

۱۰ جنوری ۲۰۱۵ء



میانی کتھ

مے چھ اصلی ناو سُبھاش ژنڈر کول تہ قلمی ناو چھم کلہن۔ بہ زاس مارچ 1964ء منز کشیر ہندس تحصیل شپین کس ژ ترا گوم (چتر اگام) ناوڑ گامس منز۔ مائلس اوٹم ناو سورگیہ پنڈت دیا رام کول (ٹوٹھ) تہ ماجہ سورگیہ واسنہ پوشہ کج (کا کڑ)۔ بہ اوٹس ستن کورن تہ دون نچو بن منز مائلس ماجہ اٹھم شر۔

1969ء منز گوس بہ ژ ترا گا پکس پزاییری سکولس منز داہل یس گامہ کس موقدم ہندس گرس اندر صرف اُکس کرس منز چلان اوس۔ کلاس اُکر اُکس بجہ بونہ تل لگان۔ سکولس منز اُکر ز ماسٹر جی۔ اُکس اوس ناو شری اوم کار ناتھ شبنم تہ دؤیس جناب محمد ایوب نایک۔ شبنم صائب یم کاشیر شاعری خاصکر طنز و مزاح دول کلامہ لیکھن والہن منز اکھ دیو ناو چھ اُکر مے پلگل پنہ نس شرک ہندک پاٹھر رچھان۔ تمہ کز بدیہ مے سکول گوہنچ رغبت۔ دؤیم ماسٹر جی محمد ایوب صائب تہ اوس سبٹھاہ نرم ہراڑک تہ لوکٹہن شر بن پر ناولس منز مائہ۔ مے اوس تہ تہ روز تہ پٹھند احترام ہمیشہ۔ سہ سکول بنو پتہ مڈل سکول۔ تہ پٹھ گوس بہ زینہ پور ہائے سکول یس سانہ گامہ پٹھ پاٹھہ کلومیٹر دؤر چھ۔ وینچہ بیار کس ہائیر سکیڈری سکولس منز پورم دون وڈر بن تہ اُخرس کرم کھنہ بل (انت ناگ) کس وگری کالجس منز

گز پجوشن۔ کالجس اندر اوس پز وفسر غلام محمد شاد ہسٹری پرنادان۔ شاد صاب
چھ تھد پائیک ادھب تہ مفکر آسنس ستر ستر اکھ سیو دساد تہ نیک انسان تہ۔
تسمن ہند شفقت آمیز توجہ کنز دزاونے کاڈن واش۔

1983 یس اندر اوس ونہ مے بی۔ اے فائینل ڈریک رزلٹ میں
باقی ز مے کور ماکر خاندن۔ بہ اوس امہ وقتہ کٹوہ دہر تہ میانی خاندن
اُس نوم جمائز پرن واجبن شراہ ویش ویناجی سیمس مالیک ناد ”پیٹ“ چھ۔ اُس
اُس دونوے خاندن ویشرک تہ ودی ہینن پیکہ ویش ہڈی۔ اسہ چھ زشرک اکھ
نچو تہ اکھ کور۔

مینانہ زبنہ ویشرک اُس سانہ گانچ آبادی لگ بگ پانزہ تھ تہ اتہ اُس
پانزہ بٹہ گر تہ اکھ تھ پٹھی مسلمان گر۔ بٹہ کنو مسلمان اُس ساری زمیندار۔
کینہہ گر اُس زمینداری کرنہ علاہ چھانہ کام، کزالہ کام، ناپد کام تہ چارواے
رچنچ کام تہ کران۔ نفر ز ثور اُس ژڈرمہ درنچ لوکٹ موکٹ سرکاری نوکری
تہ کران بیلہ زن کینہہ گر تجارت پیشہ اُس۔ بہ زاس امہ ڈیگیل گامہ کس
اُس اوسوڈ حال گرس منز۔ مینون مول تہ زٹھ بوے اُس پیکہ ویش زمینداری
علاہ ڈکانداری تہ باقی تجارت تہ کران۔ میانی سورگیہ ماکر اُس پنہ نس
لوکپارس منز انتہائی غربت وچھمڑ۔ مگر زبردست جدوجہد تہ جفاکشی کنز آسن
گرکر حالات تھ حدس تام سُدھارک مکز ز مینانہ لوکپار اُس نہ سانس گرس منز
کنہ چیزچ کمی۔ سانس علاقس منز اوس سون گر اوسوڈ حال گر مانہ یوان۔
ماکر اوس پور علاقس منز پنہ محستہ، سوچہ، کردار تہ ہار نہ مانن والہ حوصلہ

کڑا اکھ پر پتھ کماؤہو تیرنگ شمر مے تہ میانہن باقی بینہن تہ بھاسن وئہ تہ
قدس قدس پٹھ میلان چھ۔

جون 1990ء منز پہو اسہ تہ باقی بٹن ہندک پاٹھر زو لربہ پٹز وائسن
ہنز پینڈ تہ پرن تراؤتھ نیرن۔ 1997ء تام بیوٹھ سون مشترکہ پروار ادھپورس
اندر نہایت ناگفتہ حالاتن منز۔ پتہ بیلہ بہ سکرٹریٹس اندر نوکری لوگس بہ اس
پٹز آشینز تہ شرک ہتھ جوہ۔ وئی کہن چھس بحیثیت سکشن افسر سکرٹریٹس اندر
نوکری کران۔

یو دوی مے شرک پانہ پٹھے سکولہ کتابو درائے باقی کتابہ پرنگ
شوق اوس تاہم ہیوک نہ تھ گامی ماحولس منز میون یہ شوق ویتھ پوٹھ۔
ادھپور روزنس دوران لگ بگ 1992ء منز ہیوت مے اردو پاٹھر کم کاسہ
لیکھن۔ 1999ء یس اندر سپد مے شری رتن لال جوہر صائس ستر ملاقات۔
تھر بوز میانہ کیتھہ اردو غزلہ تہ وڈن: ”لیکھن چھکھ ٹھپک مگر یہ لکھ تہ پنے
کاشر زبانی منز۔“ مے اوس واکھ تہ وڈن۔ مے ہیوت کاشرس منز لیکھن تہ یہ
سفر چھ میانہ مقدور جہاںہ وئہ تہ جاری۔ میانی یہ کتاب
چھ امی کوششہ ہند نتیجہ۔ میانی سوچن ترائے چھ میانس مائلس ماجہ ہنز
زینہی آپہ ژاچ مرہون منت۔ میانس کلاس اندر نظیر گوہون لفظ ورتاوا
پکھر چھ میانہ تمہ آدن گامچ میو ہند دبت۔

کلہن کول







بے گر چھس توتہ کاشر چھس کشر ے ناز میونے وچھ
 دلس ودرس کرکھ میلہ پاز لکھ اد راز میونے وچھ
 بہ زامت بونہ شہجارن دژم دوتھ تزلش ریمہ آرن
 ژن زوتھ نار ویر وارن دزاں پیٹہ ماز میونے وچھ
 آژن دریا و سوتھن واپس سوتن میلہ زور سہلاہس
 ژ پچھتاوہ تہ اوش تراوہ رلکھ انداز میونے وچھ
 ژن شیرتھ باتھ نو انہار بناوتھ باج ووپرن ستر
 تھکتھ میلہ پوت نظر اکھ دکھ ژ بوزکھ ساز میونے وچھ
 شہن زاگن وپھل وارلر چھ اظہارس کھسن دارس
 ژ زو دکھ لولہ گفتارس بنگھ ہماراز میونے وچھ





واہِ رنگشا یور سلس آسہ ہے
 چشمہ ترہم شہینہ بلس آسہ ہے
 جانوارس نیرہن ساری ملال
 واے! موکلن باتھ زالس آسہ ہے
 روز ہے ما بانہ تیلہ ہول کول کنبہ
 پانی پانس تام کزالس آسہ ہے
 کاکر کرہاو زندگی کتھ رؤرؤ
 مشغلا کانہہ جان حالس آسہ ہے
 لوکھ ما وچھ ہن مثر میوٹے اگر
 رازدار رؤفر گور مے نالس آسہ ہے
 واے! بلہ ہن آکھ ہردکر کلہنس
 تانی فرصتھ سوئتہ کالس آسہ ہے



دل دودسہ دزاں چھم اچھو دُریاو ہرتھ آس
دپدو وچھم نہ زانہہ تہ مگر سوچہ سرتھ آس

الغائبہ دژس واو رِنگو زپر حجابس
شر میوٹھ دنگ دزاو ما گلہ میوٹھ کرتھ آس

پرتھ شاہ چھ نؤے کشکش شاباش امارس
نتہ کر نہ زہر دامہ چو نتہ کر نہ مرتھ آس

اکھ زیوٹھ کڈل کزڈٹھ ترن پتہ چھ سورگ سوکھ
سوکھ اوس سراپے نتہ نتہ لہہ بہ ترتھ آس

تیتھ کیاہ تہ منگان زاپدو ونہ چھے نہہ دوانی
الغابہ گنی کرکھ دتھم دامانہ پرتھہ آس

دوستاد لکے چانی سبق اسی کتابی
ٹاکار سبق کالہ پتر میخانہ پرتھہ آس

کیاہ کیاہ ونے کوٹ کوٹ بہہ وٹس چانہ امارے
کم کم خدا تراؤم تہ صنم عکتر گرتھہ آس





کتہ اوس از لے پانس تانی
 لوگ اند جاناس تانی
 اسہ چھامطلب سزؤگ یادزؤگ
 بگو دژ نظراہ وانس تانی
 عقلن ہنر لاچارو وچھتھ
 مے تہ تیج ٹکھ استانس تانی
 ورزنی واؤن توژھ ما تھو
 نتہ اُس وپھ اسانس تانی
 لولہ غزل اکھ شار کئے
 کتھ ما تیج افسانس تانی
 ہوچچہ رگہ دیٹ ٹکھ اولے
 زھٹھ آیہ اُخر جانس تانی



یہ چھ اند وند بستی یارن ہنر پیٹہ یارس زاگان یار مٹیو
 پیٹہ غارن ہند چھا غوصہ لکن پیٹہ پنہ نو گری تم کار مٹیو
 پرتھ اُنہ پٹس رُمہ ساس گوٹ پیٹہ داغ بٹھک گس ہاو کُمس
 پیٹہ نیران ساری غاز ملٹھ پیٹہ کس اصلی انہار مٹیو
 کھرڑ ناو چھے آمڑ بینہ پن پیٹہ وون تھوومت اُتھر ژٹھ
 پیٹہ چھا کانہہ یُس دیہ داٹھ پن پیٹہ گس کر دوور کار مٹیو
 پیٹہ چھا کانہہ یُس بینہ سام کتھن پیٹہ رُودنہ کائسی آب اُچھن
 پیٹہ دیارن کم درویش کیکھ پیٹہ لٹھ وکھ کم دستار مٹیو
 پیٹہ ساری پُر دتہ لیکھ مٹر لکھ پیٹہ ساری دانا زان واکر
 پیٹہ کتھ پٹھ لکچر بوزن چھے پیٹہ رُودنہ وٹس وار مٹیو
 یہ چھ دَو دَو دورن بکو لوکن پیٹہ کھر آمت پرتھ کائہ وتن
 پیٹہ رسی ہیوچھ گُفتار لکو پیٹہ اپڑے وٹھ کُجبار مٹیو



خُدا یا وِوَنی چن مِیوَنی پھِلن تمہ آہ سوئس منز
 سُمِن پنیہ یار دُورِکتر بُس ہمسایہ سوئس منز
 بگر ہوٹ بلبِلن گوْمت گمتر بند قَاد خان منز
 مَورِتکھ تارک زولان وُژن بے دایہ سوئس منز
 وِداں گل کَار نمر اوتھ دِپاں گوژھ باغوان اُس
 ژ کر تکھ سایہ شپنس منز سہ رچھہکھ مایہ سوئس منز
 ہوا گوژھ نفر تگ موکلن صبا گوژھ موجبک پھیرن
 بہ رٹہ ہن نالہ اُش نارو سہ ونہ ہم بھایہ سوئس منز
 پریشان پوشہ نولن دل پریشان باغہ جی محفل
 رنگا رنگ پوشہ تھل باغس کھسُن بیرایہ سوئس منز
 کلیمز زو دِپاں قلمس سہ کلہن بے زباں گوْمت
 مَڑھلِو یَم خاب چھس اُخر گروھن ما ضایہ سوئس منز



دَک وُژہم چِکرس تہ لیکھم شار کینہہ
 گزائے لُج سُدَرس تہ لیکھم شار کینہہ
 بُل مے نظرن گوو تہ ڈیوٹھم گوو پیارِک
 زُون کھڑ دِکرس تہ لیکھم شار کینہہ
 کالہ مشرِووم تہ تھاوبم اچھ وُٹھ
 یاد پو صحرَس تہ لیکھم شار کینہہ
 لول میونے وارِ مولہ وُن بازرن
 لُج خبر نگرَس تہ لیکھم شار کینہہ
 وعد کورمُت چھن پوڑے ہوون قسم
 گوو اپڑ پورَس تہ لیکھم شار کینہہ
 کتہ سہ کریشَن میون تینالبن وُچھتھ
 تھر وُژہم تھراس تہ لیکھم شار کینہہ



بہ شاعر تازِ شارن منزِ پگاہ تے حال لیکھن چھم
 لکھن گزہ تہینہ دنی روزنی توے پتھ کال لیکھن چھم
 مے تھوڑی چھم اچھر رزہرتھ مے تھوڑی چھم زبان شیرتھ
 مے سازن راجھ روزن چھم مے سرتے تال لیکھن چھم
 زہین ہند اکھ اتر ویرن چھ وریسن تاؤس لاگان
 اُلف ب ج چھم سو مبرن تہ نو سر دال لیکھن چھم
 کھوکھری دعو اپڑی تسلا پریشان کارواں موؤس
 بدلون روخ وچھتھ ہو بک بدلون نال لیکھن چھم
 خبر کیاہ لار پیہو از کھیلےس بائرتھ وچھو
 شکارس نیتہ بد گوشت چھ ویرتھ زال لیکھن چھم
 قدم لوت لوت تڑٹل کلھن سماں گزہ کارواں پانے
 وقت کر رہنما پیدا گربس خطہ خال لیکھن چھم



منز سوئچہ سَرس واو رِنگا گزائے غزل میانی
لوہ پاٹھر پیس منز اُشس ددرائے غزل میانی

غزلس چھ سوخن دان کران ساز بران سوز
دم پھڑ تہ پشیمان توی دای غزل میانی

ابہامہ تہن وُج نہ نہ تیج گول گرہنی کتھ
برجستہ بیاں اُنہ عیاں رای غزل میانی

پتہ شینہ شبن زؤن کڈان جامہ کران شران
تتھر یار بلس کھور چھلان دای غزل میانی





دون اُش قطرن مثر سورے افسانہ وؤن
 ظاہر، باطن، سورے موے میخانہ وؤن
 یادن ہند پشمینہ کوئن ابوون صاف
 وؤن کرک نیلام عہد پیانہ وؤن
 پوونہ سوئکو اڈ پھلو باسن پاؤن یاد
 دل ہارتھ بیہ زونک سر سامانہ وؤن
 تکر اُس شاید راتس پھر مڑ میانی کتاب
 مست قلندر، شاعر بیہ دیوانہ وؤن
 ووش تزاوتھ تکر ثارو پلون دلہ دبرے
 تاب، تپسنا رُح پرور انمانہ وؤن





موچھ منز ہتھ شوقل کینا ہتامتھ خوش باسیوم
 جوش، جوآنی، کل کینا ہتامتھ خوش باسیوم
 راتھ وؤن پرتھ منشس حصہ کھسہ ہیؤ اسمان
 شر، شرگی، سپزل کینا ہتامتھ خوش باسیوم
 ژھایہ ہلبن گڑھ ہتھ پز لاؤن صجک گاش
 جذبہ، جنون، پاگل کینا ہتامتھ خوش باسیوم
 ادر وچھم اسانس گن اوس مدیہ وچھان
 ہمتھ، چاہت، ژھل کینا ہتامتھ خوش باسیوم
 ہے! وونی تھو زبس آے یرادن زور پکھن
 واد، وئل، ہلچل کینا ہتامتھ خوش باسیوم
 کلہن کا کلر تراو تہ وونی دعالیہ خار گرس
 شام، سفر، روتل کینا ہتامتھ خوش باسیوم

طرحی غزل

طرح: ”خبر چھا صُبح دم روزیا نہ روزیا (ساتی)

خبر چھا صُبح دم روزیا نہ روزیا
جوانی پر عزم روزیا نہ روزیا

دوڑی صحر کر دوشلر روخسار وندہس
پن چھم شام غم روزیا نہ روزیا

لیکھن والو غنیمت راتھ زانو
خبر صبحس قلم روزیا نہ روزیا

برد حاراں لنجن آمت چھ بامن
توئے تکر سُنڈ کرم روزیا نہ روزیا

مے سوزس زندگی ساری فدا کر
مے سازس زیر بم روزیا نہ روزیا

نہ دگ باؤم نہ ہووم چھوکه تمس کاٹھہ
تمس گؤو بگو ستم روزیا نہ روزیا

پشیمان از تہ روزس کار تو مرتھ
پگاہ یتھ کار خم روزیا نہ روزیا

ژ پھر ساقی مدُن وُنی کبن اچھن تل
یہے بانہر مے چھم روزیا نہ روزیا

ہلم داری اگر کلہن تہ پھر کز بس
دوہے دارتھ ہلم روزیا نہ روزیا



پاردر زیو مِظراڻچ کته
 چشمن چشمن خانچ کته
 زهڻیه پهر بن منز چجن پټه
 محسن هڻد کجخانچ کته
 چھوکه لد بدنس رڙ رڙ تون
 ورس ورس تانچ کته
 شنه مانبن هڻد ریکتر دل
 شهرن گامن آڻچ کته
 رشتن مطلب جذبو ستر
 لوچ کته ورتاڻچ کته





مینے باسان وُنہ تے آسی مائے میانی تَوے لیو کھم
 کھنٹھ وائنجہ آسی تھائے میانی تَوے لیو کھم
 دوہس پیٹہ ریہہ تہ راتس ریہہ چھ زن آسان
 انم گس ڈالو واوے گزائے چائی تَوے لیو کھم
 اوہر پیلہ پیلہ تے گن دوران وچھم مے وونمس
 تے شچھ شین وئی ما وائے میانی تَوے لیو کھم
 شونگان شامن بہ چھس سوئچھ پگاہ میلو
 وناں اخبار صُجائے نیاے چائی تَوے لیو کھم
 تہ چھکھنا مائج تے مائج تون ورتاؤن
 بیلو گانگور تہ مشرکھ جائے میانی تَوے لیو کھم





گنہ شچھ و نم واوَن کہ تی از یار نگارو
 پھٹہ وچھ تہ کھسن لولہ کی پھموار نگارو
 یادن مے کرم مالہ تے لولس مے کرم رچھ
 چھم دود اکھ سرمایہ نئے خار نگارو
 کُری خنڈ زمانن تہ مگر توتہ رچھم ستھ
 گوڈ گزاد کرس اڈ بہ ولس زار نگارو
 مد آمہ تاون لوگ تہ ووتھان کزاکو خیالن
 کر لولہ نظر زخمنے بلغار نگارو
 گئیہ وائس لولہ وال نار تنگل ہر دگران سوٹھ
 کر ژیر وونی بے عار کھبس مار نگارو
 گئیہ وائس رچھان ستھ تہ مگر توتہ خبر چھا
 از پیہ تہ کزیا لولہ کئے اظہار نگارو



دزلیہ ما نتہ اُس رچھمتی یار اُکتر
 ہنگہ تہ منگہ نتہ سُرک گئیہ گر بار اُکتر
 شاعری ما بس تھوم ووش لپکھی لپکھی
 بوز کھ تیلہ بوز ناوتھ شار اُکتر
 لوٹہ بڑ گو یس تہ کاٹھہ سرمایہ اوس
 لیتر بڑ گئیہ یار تے دودار اُکتر
 پھاسہ کھسنگ ووزی چھ لوکن شوق زن
 گاٹہ لبو تھوڑیتر سجاوتھ دار اُکتر
 عالمس ژھانڈتھ ژے لوگتھ بٹھ بدل
 توتہ چھی میے اُکتر رلان انہار اُکتر
 یاتہ زیو ہے بڈشہا یس بوز ہے
 قلمہ پھری نتہ کلہنن دربار اُکتر



موصو من کمر ہنر زھنر ژڈ ژڈ کمر دیت شہر نار ہے
 قبرستان لوگ تاپرا بستی گوو لُر پارا ہے
 کتہن گوو بیتہ لوتھ امارن لاشن پو لا واریث ناو
 کینڈونکھ دیت ٹاٹھن گوو برن کینڈون ربہ دستارا ہے
 مٹر آباہ ووتھ سانے وارے شہر گامن گرہنے ژاو
 ثبیتہ زودیت تھس رتہ چھپہ پانے مے تہ پر گوو گرہ بارا ہے
 وقاہ گوو تنہ میانس وطنس پوشے چمنن دویا اُس
 ہر دج زردی پوشن ازکل ٹورین گوو پڑ پارا ہے
 تہذپس تھو وبتھ نہناوتھ اسہ مڑھ پانس پانے ہاے
 لکر شیلہن گر بنہ ٹکراوتھ بونہن کور تیکہ تارا ہے
 بیتہ کس بوزان زو جذب ہنر بیتہ کس فرصتہ پڑاہ ہے
 کہن دولمت میڑ ہنر مایے لکھ دپنس فنکارا ہے



مے پڑکھ غزل زَن پُرِم زِندگانی
 تَر کمر لچھکھ گس یہ لفظن روآنی
 مے چھو کھ پڑاڑ پانے تجم دگ میے جگرس
 مے دؤپ راو ما یار چائی نشائی
 توے تاراگر زالم تہ محفل سجادوم
 مے دؤپ سالہ یکھ از تَر ما زانہہ یوآنی
 یہ کتہ ژالہ ہا چون رُسوآے سپدن
 تَر ہمد مے اوسکھ دلک یار جانی
 کمینک بوش چھے ون چھ دودہ تار گزرتھ
 وفا گس گران گس چھ پوشان جوآنی
 مے کتہ راے آسم تَر امہ آہ سمسکھ
 سہ سرتاز یاؤن یہ بتھر پھر جوآنی



اگر نہ روشکھ بہ لیکھ چانین جُماری چشمن جُماری کوتاہ
 گولابہ روئس شباب کوتاہ دوبارے زلفن شمار کوتاہ
 بہ پائے چوئے خیال نظمن بہ شیر غزلن گمان چوئے
 ژ باتھ بڑتھے نٹن کھسکھ اِد وے مے چوئے امار کوتاہ
 چھ چانہ حُسنک اِیام واراہ بہ تہینہ کاتیاہ بہ لیکھ کاتیاہ
 کُرتھ ژے وِ بکری سوال کاتیاہ جواب نے تھو شمار کوتاہ
 ژے تازِ یاؤن تھبکن تہ ہاؤن مے دودِ دلہ بکے تگان نہ ہاؤن
 ژے شوخ نظرو وُتھ خبر کیاہ مے کور امارس طمار کوتاہ
 ژے میانہ لوگ حساب آسی نکارے ما ژے وار روزی
 ژے لولہ نازک تہر وُچھتھ ما مے رُچھ وچھس مَنز یہ نار کوتاہ
 ژے چشمہ بد نش حُداے رُچھئے دُعلیہ کلہن گران ہر دم
 ژے محفلن ہند چھ شوق کوتاہ مے داوے لوگ وبقار کوتاہ



سَنسان گلی کوچہ پریشان سہ شہر اوس
 وبتھ اُس تھٹان باکہ قیامتھ سہ پھر اوس
 گل اُس اشک بار ملنگزار مزارس
 دود اوس الگ بیون لتہ موٹجہ سہ شکر اوس
 شہجار وٹس اوس وچھس نار چٹارس
 شاہ اُس شرمسار ہوئس سہ زہر اوس
 تیز اُلی نظر اُس تھان جامہ لجاظس
 دل اُس ورفقار سراپا سہ قہر اوس
 تمہ شہر یتھ سور ملتھ دزلیہ تو آرتخ
 بَم پھڑ سراسر شام پشیمان سہ سحر اوس





سریہ کالے لؤس ساؤتھ حوصلن
زؤن راتس بگاشرادان مَنزلن

گُز تہ چھکھ کمزور زؤنی پوز مگر
ویر چانے کل چھ نیران قافلن

وق چھ واراہ سخ مُسافر رادومتر
گاشہ چانے آتش پھیران غافلن

لُکھ چھ اُخر لُکھ تہ ونے داغدار
چون تابُن تیہہ چھ والان مُشکلن





رتہ کھلہ ہیئہ اسمان خُدا گوژھ خَار کَرُن
بُتھر پھیر گودِ اِنسان خُدا گوژھ خَار کَرُن

اؤپر نین پھور نار تہ رُوڈجِ آش دُزان
وہتہ ہوچھمڑ وُٹھ پھیشان خُدا گوژھ خَار کَرُن

ریش وارِ خبر گُس شاپھ تہ وارِکِ زلیہ تروپارِکِ
دُل سالسِ گلہ ترہران خُدا گوژھ خَار کَرُن

لاچار دِچِ اکھ باکھ زَمپنس چاکھ کران
اڈُ تَش گئیہ ارمان خُدا گوژھ خَار کَرُن



چلنہ جہر کر حرف ہوا دواں لوت لوت مینانہ صپرچ کتاب ہاوے بیہ
آشہ چشمن تہ اوش وراں مژرک مژرک موکھتہ گنڑرتھ حساب ہاوے بیہ

گاٹہ جار کر شکار گاٹو تر کر وائسہ سو مبران سوال ہلمن مژر
عام عالم علم پھراں وٹھر وٹھر خلیہ موت ہیو جواب ہاوے بیہ

سورگہ ہاوس نہ خوف دوزخ کانہہ نہ بکو تھو و حساب پوت کل کانہہ
ہنگہ تہ منگہ زن لول زوان مژرک مژرک گاش زھٹہ ون ثواب ہاوے بیہ

گوکہ از چھ بازو برتھ پرتھ کانہہ شوق دیا رن ہوان کنان شوقل
از تہ محلن اندر اندری سخ دیا رن والبن عذاب ہاوے بیہ

دشت دپن اندر تبتس صحراو لورک پونک ول روٹھ عملن
راتھ سپن تہ صبح لو ہتر سلہ موکھتہ جگر جگر گولاب ہاوے بیہ



از تہ لوگ بیہ پھیئر خیالن راتھ کیٹ
 تشنہ لب کھری لد سوان راتھ کیٹ
 چانہ آکارک عکس ووتلیو اکھ
 زپر لُج کتنن ملالن راتھ کیٹ
 میانہ شجرکر گاشہ تارکھ اوپر سُرر
 پے پڑژھم اپزن حوالن راتھ کیٹ
 اکھ نظر پتھ گن تہ کم گونما تھ ریش
 اکھ نظر اُز رکبن زوالن راتھ کیٹ
 ہرنہ پاوک نیرن تہ روئن برنہ چون
 داد لوگ چانن کمالن راتھ کیٹ
 وائے! ریند دیوانہ عاشق کور گئیہ
 ڈولون مس روڈ پینالن راتھ کیٹھ



گزشمہ ژنجن منز شہلیگ پے پام لکھو
 اکہ لہ یکہ وٹہ ساری خاصو عام لکھو
 رتہ پزاتن، اُش تاربن ولہ وٹھراوہ اوش
 اسونہ ہونجہ آغاز تہ خوش انجام لکھو
 دنواسن ہنر پھر عیاں سونہ شہرچ کتھ
 دم پھٹڑ بزاندن چیرگیٹش جاسن بام لکھو
 وارانی بُربادی نارے نار تہ ویہہ
 آب عنایتھ کولہ کولہ شہر و گام لکھو
 تنگدستی تحرپرن گلہ زو تقرپرن
 لفظن معنہ سونہرک ورن سام لکھو





سانن برنن سرین لیو کھ آوار پتہ
مالن لیو کھن لار تہ گو برن دار پتہ

پنچہ ہنز میڑ موٹھ آءر تھادوم لوچہ گنڈتھ
پرکھے آتھر پٹھ پیرن ہند ٹاکار پتہ

کیاہ چھکھ گنزران اونگی ٹنڈن پٹھ شجر نسب
گامہ چھ لیکھتھ تزامہ پٹس فن پار پتہ

لائے لبہ تل یکچہ کراں اس عید مگر
گاہے رووم وٹم وونی کتہ تھار پتہ

ورزنی واوَن نہناؤتھ ژھنڑی آنگن پڈر
کل چھم دزائمڑ گِر گُن پانے ساہ پتہ

خوش خبرن گئیہ لائے مبارک تھامہ گمتر
بی کس یودوے ہتہ لٹہ وڈنمکھ وار پتہ

دُنیاہ زینن جانے وڈنی گوو کلہن بوز
رژھ رژھ دُنیاہ زینہ تہ رژھ رژھ ہار پتہ





بے نور اچھن اُسر مڑھلی خاب دلتھ آکھ
 چھ دست شفا پُشنے بیمار بِلتھ آکھ
 وچھتھ نہ وچھس اُسر گتلی داغ لکن پڑتھ
 ہا زیر کرن والہ تھوؤم کفنہ دلتھ آکھ
 توت میانہ ہٹیک رتھ سہ ووزل نار چھیا یاد
 ہے قتل کرن والہ کتب داغ چھلتھ آکھ
 از میانہ اندکر لکھ چھ پُشان ٹورک وتن پٹھ
 ون میانہ گلو سوئتہ سلی کیناز پھولتھ آکھ
 سہ ووش تہ سوے اکھ گزاو وٹھن رُوز بقایا
 از موقعہ شناس مار متیو طوطہ لگتھ آکھ





ٹوٹھ آدن گام مُشرادان بَس
 وَاُنْسِه لَو کھمَت تام نہناوان بَس
 بونہ ہو چھمڑ پٹھ کُنے ونہ وَاَسِر کاو
 پتھ وَاَنکِر کیشہ خاب اِساوان بَس
 تا پھ تُوڑاواں سِکِستائن کو پاٹھر
 آمہ ٹاکنِک پوڑی شُمرادان بَس
 زَن چھ مَعْبُودَس کَرَن ناؤد کاٹھہ
 تَرِیشہ کَلہ نِے مَول ہو کھناوان بَس
 وُنہ تہ مِیانِبن ہاوس زُو آسہ ما
 از تہ چشمن پوڑی وُزِناوان بَس
 گر گرِ گئے یارِ بل آنگن تہ بوڑی
 یارِ صُبح و شام مَڑاوان بَس



نظر یہ تھاوان حساب بدلے
خبر چھ باوان عذاب بدلے

سوالہ اکھ رڑھ تہ ڈولنہ ہرگز
نظر بدل تے جواب بدلے

عقل چھکاواں فکر تہ مسلک
مژر ونان گوو ثواب بدلے

نظر چھ سپرل کراں گانگل
خیا اچھن ہند حجاب بدلے

گونہ چھلاں اُس یہ وبتھ تہ اکہ دوه
صفا صفا شود سہ آب بدے

نظر خبر گس اگادِ تہ سہز
بلاہ لگہ ہس مے خاب بدے

خطیہ روؤس وچھتھ تہ بوڑتھ
عمل تے بدے خطاب بدے





نہ چھ ڈبکہ گہہ گنری پشلیپم کائہہ نہ چھ نظرن تل بیتہ سادے کائہہ
نہ چھ مپلہ گنی کائہہ نظر گزہان نہ چھ وتہ اندر پکو آبادے کائہہ

مے چھ شوقہ رنگتہ پشمینہ پلو نتھری پھتہ پھتہ تھوومت اتھر گرتہ
نہ چھ سینہ کالس آثار اصل نہ چھ پلہ پتہ گن جادوے کائہہ

نہ چھ چکے چاوے تھج وان وون نہ چھ ووسہ ووسہ وارن، باغن منز
نہ چھ نہنہ باتن ہند جوش دلس نہ چھ لولہ۔ سامان تھج کاوے کائہہ

نہ چھ ژر لر نے وونی پوئہ جران نہ چھ گر میو بزائے مشکاوان
نہ چھ ژھنیہ پش گتجن سال کران نہ چھ باژن ہند کر کہ ندے کائہہ

نہ چھ دودھ دودھ کرؤن ہاوس کاٹھہ نہ چھ چشمن زوتان خاپے کاٹھہ
نہ چھ بانگہ زوان منشورے کاٹھہ نہ چھ ژانگہ دوان از ناہے کاٹھہ

نہ تہ لچھ غزل مٹر آہ بدل دژہ وائلجہ دہتو داد تہ دل
نہ چھ تہس بوزتہ انصاف لیکھن نہ چھ مینے وڈنمت فریادے کاٹھہ





ماچھ رتخ ماگیہ گلس نش گوو بو مبر نیمہ رایہ تے
 لولہ ہے گڑھ آے آسن نتہ حُسن گڑھ ضایہ تے
 آسہ نے لولس ندامتہ آسہ نے عاشق نظر
 مَارُتن تیلہ مَارُ مؤند معشوق حُسنس گزاریہ تے
 عاشقو پیٹہ عاشقی تے بندگی ہندک راز پُرک
 گاہے لبو استان شیرتھ سجد گری تھری جلیہ تے
 میانہ مرنے آوریہ پٹھ آسہ دُنیاہ دل ملؤل
 خال کانڈھا آسہ اند گن اوش وسبس ددرایہ تے
 زندگی ہند شام و آتھ پیو ویہ دودہ گوو رَاسِ زَن
 آونے گاشس سہ کتہ پیہ شامہ زہممر بن ڈھالیہ تے
 ساقیا دستور میخانک شُرکل و ہلک رواج
 تھاو دونی باپار سوچن جام اکھ پھر مایہ تے



صُبح شوقل تہ سور مکر شام دِکھنا
دِہیل تھہیہ پش دوسل لُر خام دِکھنا

وو پر شہرن مے کو رمت زن بٹس شُرک
وتن لگہ ہس مے پنہ نئے گام دِکھنا

دپانے مانج چھنہ تراوان شُرِس زانہہ
وچھس تل پیہ رُٹھ اکھ دام دِکھنا

بہ جرہا چوہنہ چائس دامنس پوز
اتھن اتھ و تھ کتھن اِلہام دِکھنا

نظر لُچمڑ خبر گس خانہ مالبن
لسن بیولا کھسُن گوژھ عام دِکھنا

مے گوو وونی واریاہ وقِ حالہ حاران
تھوگس لوُس لگے آرام دِکھنا

شُبیا کلہن قلم ہتھ دُور تِیے نیش
اصل گو برس تِ وِسلگ جام دِکھنا





موت یُس از تانی و آرائن منز کنہ گری گری تھوان اوس
 صُجائے ڈیوٹھم وتہ پٹھ کتر بن کیا ہتام لیکھی لیکھی تھوان اوس
 یتھ بُستی منز ژھنیہ پش جاین کاٹھچہ لبہ تے کاٹھوہ بر
 یتھ کمر آتش باز گنڈن ہیوت وتہ کس نارس ہوان اوس
 یمہ بُستی ہندی ژکر در آوری یمہ شہر کر گاٹوہ خاموش
 ڈبکہ ہے ژنڈ دتھ سوتھ پٹھ پاگل ویتھ گن کیا ہتام ہوان اوس
 باغچہ مسولہ ڈبکہ زول تاوان روڈک موکل نیندرے مس
 تکر روٹ شاید کار بدل کانہہ لو یُس دژمنس تراوان اوس
 یتھ گڑھ کاروبار طیس پٹھ یتھ ودنی بازار واش کڈن
 تکر گری لٹھ کی ڈیر جمع ودنی تنہ یُس موردن ساوان اوس
 راتھ بوزم تکر دژ پارے پھسراین گڑھ ٹھاکہ لگن
 وتہ پٹھ دوبدش وتہ گتہ لوکن کنہ شچھ تنہ یُس باوان اوس



دیوارن پٹھ لیکھی لیکھی تھوڑی آوار اچھر
اسہ کور بُستی سانہ خبر گس ناو ووپر

پڑانی پڈی گشتام اسی رُز تھر تھ خام وٹن
بلڈوزر بھتھ دزایہ تہ کور آباد شہر

ژا پھ ژودا اہم زون خبر کمر وکھ دیون
تھاؤر پشاپو بھتھ نہناؤتھ شام و سحر

سانہ حیاتج مانٹھر بھتھ ژول جوگر دپاں
گوڈ تھوڑی گن تڑپراؤتھ پتہ کر قادی نظر





میانہ گر کر آنگن پُدر گر وچہ تا پھ دپس
بریس تھاون تھرر بُتھ کورس معاف دپس

نر آس و سوار تہ پلوہن زون کھین
گلہ چچھ انہ گلہ لئو کھن کپس گاف دپس

میانہ وجودج شہادتھ میڑ تل کتر دفن
یم چھا کاغذ تلمہ زٹھ کر صاف دپس

وہ تہ چھ کاندرک للہ ہنز برکول بران
از تہ چھ وائس للہ ہند للہ وں شاپھ دپس

میون مبارکھ وئی زبس قاتل قاضی بنو
لاش لگہ پرخاش تہ کر انصاف دپس

کھسرتن واوس ژکھ یا کُردتن ویر اسمان
لگراین منز ہبڈرن زیونک واپھ دپس

کاہنہ لیوکھنہ دار تہ پڑژھنہ خائیش ون
نچہ ژکل ہیو کولہ بوٹھ ورتل ڈاپھ دپس





امارن پاڌر کم کم بہ کیاہ ونہ ہس
 نظر دل سوز سرخم بہ کیاہ ونہ ہس
 مے آسم گزاو پلگل زیو پیتس پٹھ
 تمس اُسر ژلف برہم بہ کیاہ ونہ ہس
 ڈیکس ژنہ رکھ گرتھ سوچم پرتھس از
 مے ہاؤن مائز نم بہ کیاہ ونہ ہس
 مے لُج یس وائس گرلس اُخرس پٹھ
 سہ پانے پھٹ صنم بہ کیاہ ونہ ہس
 وٹھن کجبار اوُس سیود ہزل ہیو
 ہنگے گئیہ چشمہ نم بہ کیاہ ونہ ہس
 اُس کھنگالہ ہش ڈیٹھم سراپا
 مے غم اوس تازہ دم بہ کیاہ ونہ ہس



مس کھاسر اچھو ولہ تزاو نظر آش ٹارک وچھکھ اِد یاد پئی
 رنگہ بلبل دم پھڑ پنجرس منز لاچارک وچھکھ اِد یاد پئی
 یمہ ونہ کئے نجر تازہ ہوا کمر تانی وٹتھ نیو بر مندمن
 توت تاپھ تہ وڈون گرد ہوا ونہ ہارک وچھکھ اِد یاد پئی
 تم شہنہ گبر پزنی جان چگر بیتہ رودر نہ تھلک ساسن تل
 دودہ راتھ نزاں سیکہ شاٹھن منز نہ واری وچھکھ اِد یاد پئی
 چھہ یاد سہ ڈیگل گام تیلک وِ وار تہ بیہ شہجار تمکو
 تتہ وتہ وتہ رتہ مہراہ کنان باپارک وچھکھ اِد یاد پئی
 تمہ باغِ نشاءلک بومبورن گنگرود سہ للہ ہند واکھ گلن
 از نو سر نو انمانہ گون پھتہ پھنارک وچھکھ اِد یاد پئی
 چھہ یاد تے آرتی آلو ون کتہ تھاوکھ زلہ وِنی شار ژبتس
 مے تہ گزند شاہن ہنز پوشہ کوتام انوارک وچھکھ اِد یاد پئی



مدے یون گن مگر اظہار و چھمس
 اچھن منز شولہ وُن سمسار و چھمس
 نیپرک شینہ مانی ہش باسان ہندر تیخ
 اندر اندری وہاں سوت نار و چھمس
 لکن تھی شوق تیر منساو ساری
 مے خلوکہ ساسہ بڈر امار و چھمس
 سو ٹنگہ گج سونتہ پھچھمز اُس شولان
 نیمپمز ہرد پتھرس بار و چھمس
 سہ بے شک بے وفا سنگدل نہ ہرگز
 کوژن ییلہ کھش مے چشمن عار و چھمس
 ورق پھرنس کوژن یود ٹھاکھ وونی گو
 مے پور سورے پیٹھے گئی شار و چھمس



زولانہ ژڑتھ نیر منگ باز پگاہ هو
 گزھ شپن مانن پونی یرن راز پگاہ هو
 پینہ تخ تہ زمستان وچھتھ دل ژے ڈلی هو
 پیہ واو رنگاہ بہتھ نووے انداز پگاہ هو
 ازتانی ششر گانہ کر ہیوک سوٹھ زکاوتھ
 اوش ہار تہ میلپس نہ کانہہ ہمراز پگاہ هو
 مٹھ ژھٹہ تہ گٹہ منز رآچھ کرٹھ روز وجودس
 از رآچھ کرکھ اڈ ژ کرکھ ناز پگاہ هو
 کر ٹیکہ بٹہ نین سال سوٹک واو وچھان گزھ
 پھولہ پوشہ ڈلاہ مراہ تے کمر از پگاہ هو
 کلہن بہ کراماتھ کرٹھ نیر خبر کوٹ
 چھے دم غنیمتھ کس دلی آواز پگاہ هو



کراں گئیہ کار آدم ذاتھ راتس
 وداں اُس دارِ از وہراتھ راتس
 اُکس دون ہند مے کر وسواسہ اوسم
 مے وچھ تلوار بہتھ ارساتھ راتس
 کڈاں رُود آسانچ کل سہ لوکن
 پدو تل تیکو کڈکھ بُراتھ راتس
 مے پو کالے غنیمت دم مے زونم
 مے گنزر اُور داغ سینکھ راتھ راتس
 مِشتھ گوشت مے چھم اسکھاس زونک
 دواں گزھ تڑس نہ کر درجاتھ راتس
 زہر ساقی کئے کہن چوان چھس
 ژ وَن رِندن مے وَن از ساتھ راتس



پود پود تراوان تراؤم وکھ
پنہ نین پردہن باؤم کتھ

لگھ ما کڈنس معنہ بدل
نختہ وتہ پٹھ تھائوم کتھ

پیہ وقاہ ییلہ ٹلنس لگھ
لوتہ پاٹھر پانے ساؤم کتھ

پنہ پٹھ پیترس شار گرنی
لیکھر لیکھر تنہ نہناؤم کتھ

پرن دۄنم پاسہ رچھن
کھوچہ اِد پرکھاؤم کتھ

بہ تہ چھس حاران صاف ونے
کتھ کنہ ازتام تھاءوم ستھ

تھر اوس شاید بکر وؤنمت
رچھ کرک تھے رزھراءوم کتھ

کھن روؤس پانہ پیتی
لگہ ارساتس باؤم وتھ





میانہ گالچ زون راتس وُنہ مے تھاران آسہ ما
میانہ ڈبہ پٹھہ سر یہ صُجائے وُنہ مے پزاران آسہ ما

سانہ کانی کُتجہ ونہ وُن شولہ نادان اوس نا
میانہ کُٹھہ جی دآر بند تے چوکہ واراں آسہ ما

از تہ وَاہر آثر رُود وُڈرن مُشکہ اوفر چھا پوان
سوئتہ پی پی ہر د چیں چیں وتہ مے گاران آسہ ما

تریشہ دوژھ اکھ پنہ کولہ ہنز گژھ منس پیہ ہے قرار
زور پلہ نے پان چھاوتھ پان ماراں آسہ ما

بزوٹھ کنہ بتہ تھال شیرتھ اتھ گڑھان چھم رۆزی رۆزی
میانہ بڑاندک ہون وئی کھن حال حاراں آسہ ما

زندگی اکھ حارکثاتھا حادتا بس پیہ نہ کیشہ
مہر بہ شاید آوری گلیچ مے پزاران آسہ ما

میانہ لر ہند پزون تھپیہ پیش کؤت باران ژالہ ون
از تہ کاکز راتھ کئیت وچ بانہ ژھاران آسہ ما

کول گوٹ کوستور کھن دؤر سیکلس مئز پیوٹ
توتہ منہ جے رؤس مرگن ژھالہ ماران آسہ ما





از بیہ تے کر کتھ تار مڑی
بہ تہ دیدو وچھتھ وار مڑی

از اچھرن تھاویم مالہ گرتھ
از سازس چاریم تار مڑی

تھو سوپن مڑن ژھپہ ژھار گنڈن
تھو لولہ کتھن کن وار مڑی

مے تہ سڈرس تڑاوم ناو لوتی
ژ تہ وس تے تر ہا تار مڑی

گگرایہ وُزان مَس اوپر لنگبن
روے چوئے وُزل نار مڑی

یا روزکھ باوے سپر دے لک
نتہ اڈ خش کور تھس مار مڑی

چھا لولہ متبن کل راواں زانہہ
چھا حُسنس روزان چار مڑی

کوستور ککن ییلہ گیو کھن
گنڈھ لولہ سرن پڑ پار مڑی





دلدارِ دلکو داغ تے رتہ بانہ جگر وُچھ
 واران وِتن وادِ لُکڑ صحرا و سفر وُچھ
 گوی چھس بہ خطاوار تے کیاہ کور مے اُتر وِن
 انصاف لیکھن والہ یُکُن تڑاو نظر وُچھ
 وِدِ نَب تہ تمَن روڈِ جَرین آسہ بدل رنگ
 مجبور گڑھتہ تڑاو کُنے دوش تہ اثر وُچھ
 کھسہ آسمانس میانہ اشک باہ تہ اڈپرک پائٹھر
 گگریہ تلن شور وِن میون پَرر وُچھ
 تھو اُچھ بہ وُٹتھ وُنی تہ وُنی وائے پُن گام
 وُنی واد وِئم تازِ تیچ خوش تہ خبر وُچھ
 یاتہ گوڑھ دودہ راتھ آسُن اہر بلک ساز
 اڈ لیکھ کلہن شار تے اڈ سوڑ جگر وُچھ



از بیه کور لولن هول وچھس از یکھ تے قدمن پاری لگے
 از روئیس تھو وٹل پرد لگے از دلہ ہے یلہ ژھن تارک لگے
 کو دزایکھ زلفن شانہ کُرتھ چھکھ حُسنہ پُری انکار کُئس
 چھکھ ذاتن گر مژ پانہ تھیکتھ اُمی فتنن کم کم ماری لگے
 یہ چھ لولہ سمندر باگہ بورت مے تہ وڈھ لایم ژ تہ تراو دپے
 بیتہ پھٹڑ کم کم جانانہ مگر تہ ازلن واراہ تارک لگے
 از یکھ تے عشقس آے ہریم ژے تہ حُسنس بیہ چکھ چاو ہری
 ژ تہ پتہ گس ہاوکھ ناز ادا ییلہ شو قے اکہ اکہ ہارک لگے
 ژے تہ آخر یں چھے لانہ مگر مے چھ باسان آسم سور گو مت
 ییلہ موت کھن دیہ چاکھ وچھس اِد یکھ تے لاگھ یارک لگے





قَاتِل چھے نظر چائی سپہل یہ بھر چون
 ییلہ ہار تھزر چون اِ زینہ سبزر میون
 اُندری چھ یودوے لاؤ تیان میانہ جنوئک
 چھے میائی دڑے پینہ گابره وُنہ ژالہ جگر میون
 پھٹہ وچھ تہ کھسن لاؤ لمبکھ نار کوہستان
 ییلہ راو پھر میائی تہ کتہ روز نگر چون
 میتہ تھوو سپنس شین بُرتھ استخساس دؤ براؤتھ
 چھم توتہ وِزاں لولہ اچھری چھ پزر میون
 اُمی آسمان کھولی ہنگہ منگہ تارک ترژن ہندک
 میہ تہ تھوو اُلس وار وِژھر وچھ یہ مژر میون





میانہ دلہ کئے حال بوزتھ کیاہ کرکھ
 حال چھم بے حال بوزتھ کیاہ کرکھ
 لاو شوئی کو ٹوری پڑاوتھ تڑ خوش
 میانہ سینکری داغ گزرتھ کیاہ کرکھ
 میانی دگ تے میون کریشن ما وچھتھ
 راز بلہ استاد روتھ کیاہ کرکھ
 وائسہ لوکری نامہ سوزی ما پرتھ
 میانہ مڑوک راز بوزتھ کیاہ کرکھ
 شار دگر ہندری نامہ دادکر ما سنی
 لاشہ میانہ پوش تراوتھ کیاہ کرکھ
 نار دینہ وز عار ما آوے تے ون
 سور سپدکھ ژور روتھ کیاہ کرکھ



الہ الہ کروڑی لب چھم یاد
 اڈ کھڑی زری بچہ ڈب چھم یاد
 تتہ ما بٹھری پھر روڈ سڑک
 کھورن خوشوڑی رب چھم یاد
 تتہ گس مطلب سنن کنیاہ اوس
 اسوڑی گنڈوڑی سب چھم یاد
 یادن لولہ کھول یادن تڑہہ
 ستہ زاو شری سے بب چھم یاد
 لوٹ لوٹ کٹھ کوش کانگر جوش
 ساءنر کتھ تے بب چھم یاد





کمہ آگر کر میراب پوٹس تریشہ ہتی رڈر
وتھ عالمس ہاؤکھ تہ مگر پانہ تئی رڈر

تم آسر پڑی پاٹھر لیکھاں خاب پراں خاب
متر آسر مزر گوکھ پھر تھ توتہ متی رڈر

میراٹھ دپاں اوس تمن ستر پھٹج بس
چھتر کاو وچان آسر ون توتہ چھتری رڈر

تارنچ لیکھن والہ لگے اکھ سٹپر تلہ کنہ
مندور تر اوتھ دزلیہ تم دروازہ وٹھی رڈر





مائج

مائج چھکھ ٲرے مایہ کج مستانہ مائج
 دادر لدے دردمند دُر دانہ مائج
 چانہ رؤس کتہ آسہ ہے میوئے وجود
 آئپہ دِرتی تھم پانہ دود تے دانہ مائج
 میانہ لوہن آسہ تے اڈ پھل امار
 شوقہ رچھتھکھ دامنس تل پانہ مائج
 چائی اہی پکے چھے واتاں آسمان
 اچھ بُرک بُرک میانی ساری بانہ مائج
 میانہ باپتھ موم بُتر ہش چھکھ گلان
 چھس بہ چوئے گتہ کرے پروانہ مائج
 خار بُرزی خار چائی آئپہ رؤس
 کول بہ کہن زو دے نذرانہ مائج

گنبر

ژود اہم زونی! تارکھ کھیول تہ سورے آسماں چوئے
ژیے اُنڈر اُنڈر ساسہ بُدر تارکھ چھنے بس رازداں چوئے

ہلم بُر بُر زِژو، چانو تھوئی چھکھ بس توے لاراں
لکن ما سُر صدم چائی زِژو ما وُن بیاں چوئے

ژ پزاران اُنتھ رستس آسمانس منز تیس گز زنی
ژے بکو چھے دردِ دل لہ وُن تیس چھنے رژھ دپاں چوئے

ژے تھاوِ تھ خاب دوبراوتھ ژے کائسی سپر ما باوتھ
ژ تھندے رَشکھ چھکھ ووشلان لکن بکو بدگماں چوئے



ودائی

شجر شوئیکو گلو گلزار تھوئے
 ژ گڑھ واریو وتن شہجار تھوئے
 مٹھ مالین ژے گڑھوئے واریوچ لے
 مدھ قدمن ڈبکس وِسجار تھوئے
 ہلم بری بری ژے تھوئے شادمانی
 اتھن برکت کتھن ملزار تھوئے
 منتھ چائی چھ مائلس مائیس پوز
 مے کیاہ دیتے ژے دے موختار تھوئے
 لیکھان اہی ودائی کور کہن
 بجا گریئے بوڑت گر بار تھوئے



کوٹھش تہ کٹھ کوش

زہنس کوٹھش تے آکاش کٹھ کوش
 وٹھن لُج موہر گوو اچھن منز لگتھ اوٹش
 پدین تر کنڈر تے کوٹھن تانی زو دزاو
 چھ پانڈا لری بالن وانا کھ وپھان واو
 خبر بریہ کوٹ تژول نپس زال اوڑک
 گزہن آتہ زونے گنڈن ہول چھ صبرک
 چھ تارکھ کھوتہن منز زھوے متری زھوکیتر
 نہ وزل گڑھان نتر نہ گگراے وولان
 چھ نتر گاشہ زژ ما نظامس نیندر زن
 شُبان چھا شوگن قودرتس یوت کالاہ
 لبون ہونی آدم رتس کوٹ کالاہ
 ششتر گانڈہ متری کائتہ ور ما چھ دیٹ مت

ویتھ ما وٹسر شاپھ ریش کائسہ دیت مُت
 خبر کیناز ماگس ویو کھت آے لوگمت
 گزرن ہار تاپک کولن زن چھ موٹھمت
 کڈن دودھ چھ دُشوار پگاہ دُور باسان
 خبر کیناز رچھم مے ونبہ آس پگچ
 مے چیرتھ چگر آسہ رنگ بُور خیال
 پگاہ کاسہ کھر پانہ کھر لد سوالن
 رچھو شوق از تے پگاہ گاشہ ورشن
 مے ژا نگس پگاہ تام گروہم تیل پوشن
 مہ گابر مہ بانر ژھوٹان وائس ماگس
 پھولن گل تہ سوئبل برن لول باغس
 ووتھن مٹر مزارو تلن ساز سنہ وُن
 ریشن ماجہ زائین شبکھ لولہ ونہ وُن
 شرتیمتر ولس منز سبٹھاہ سیرہ ازتام

تمی پانہ ووتلن پگاہ یا تہ کالی
 بیتہن پوش میڑ منز شزپان ہرہ زہرتھ
 تتی سوتہ بلبل چھ شیران اُلی
 اگر مہون بوزکھ اتھس تھھ کُرتھ نیر
 قدم تُل پدہن پھیر پانے وشنیر
 کرو سال سوتس تہ ور کیمی گڑھن نُر
 زٹو زال سریس تہ پوشن گڑھن نُر



وہراتھ ووپر

از پیہ باؤتھ سوے پڑا نی کتھ

از پیہ وڑناؤتھ شوئے نچرستھ

پیہ راتس باسیو وے تی

پیہ وچھتھن واہراتھ اچھو

ہول گنڈر تھے بے والیہ نژان

رڈ شڑانہ وسان

شڑوڑی شڑوڑی شڑوڑی

بڑاتھ گہوان

یہ چھ چائی نظر

یہ چھ چون یقین

رکڑ سوندر تے کوٹ حسین

پڑھ کرکھا!

راتھ یٹھے

گلر این ہند گوم شور کنن

کل دز ایم

مے تہ نالہ پلو کڈر

یڈ کاکر دویم

کینہہ کھوکھری پوز اتھاس زو کھ

وآ ہر آژ پھیر بو شہلاو بدن

شہلاو یہ تن دیو شہلیم من

دیو مشراون سے ٹوٹھ وطن

افسوس مگر!

مے چھ کھٹڑ مٹر پانس نار پھٹڑ

رؤ دنہ زن اُس نار بسر

ہم چھ چون پزر

یہ چھ میون پزر

مے چھ باسان اُس

مگر وَا ہراتھ دوپر

انقلاب

شر اوُن رہتھ

دوہ وِگر

تالہ پٹھ سید سیو د

دزان اوس آفتاب

بادشاہ تختس بہتھ

پھلو اے زن

کائپہ نیومت کایناتھ

آمہ تاو بُرا اُز بُتھس

زور گیہ سہلاب

نیر بس بز وٹھ گس



دور دِمتہ بالہ پتر کنز

اؤپر ڈیوڑگا گوؤ و نمود

دند ٹکان

وڑملہ کران

کزکھ گرن گکراے زن

سرکشی لیکھتھ ڈیکس

زن تہ سانگوپان

کراثتی کأری کاٹھہ

بس اٹے ٹیٹہ وار

بیریس بڑوٹھ لوگ

مرحبا!

جبروت ہوؤن وقتہ کالک



واد ووتھ بدلے

عجب سوسراے لُج

آوسپښ لپه
لگي هڼو کهي مټي پهرن

زېو زمانن

ژهڼي دندن تل

رنگ بټهس

بټر آڅ بېهيور

شور شروني شروني گوډو

ته و هراته گيه شروع



ميانه پېچي مږ دار کڼي

سته زاوسپښل

رؤد پېهيور اکه

آو ميانس

زهڼي مټس هلمس اندر

آسمانن آس شاید
سوزمژ شچھ کانھہ و لٹھ
اوڈ رما ٹھہر یو
اڈ کجہ زیو و وٹن
ناو:

ابن انقلاب

☆☆☆

دَس گاہ

بُلُلو

شہرِس گو مُت

پچہ پھیر اُ چھن

پھلوا ے لکھ

مے وڈن پنہ نو

ژلُن

بہ نیر ے راتھ کیت

خبر پھیرا نہ پھیرا

کیت پیہ

سوئتہ کاکر واپس

مے تھاپس دَا ر اڈ وژھ

ٹھوگر کٹھس

کٹھس یتھ

تالوس طمہن

پرس تمہ اول تھو و شیر تھ

پنو ونہ ہس

بتھر پھر شہرچی کانہہ کتھ

پنو بلو

اگر ناچ کتھ تلوکھ

یہ وڈ زبس

تھر وڈے

ژ ما انسان چھکھ

ژے ما

مذہب کنہے

ژے چھے دسگاہ

ژ اژھ

بے پھر وکھ تہ بیہہ

پنہ نس عیالس ستر

االس منز

رتہ کھلہ اسمان

میانہ دیہ

ب یا خیر

کیناز تھاو تھ

اچھ وڑھے

گاشس و بڑھے

کیناز لاجتھ مان

شراؤنس منجھورے

کیناز پوشن رنگ چھوگتھ

رنگ ساڑ و ن

کیناز پوشن میڑ گڑھان

کیناز چھکھ بیم وچ کران

گس تڑ ہاوان چھکھ

پُتری جو دؤ گری
 کینا زِ پردن منز بہتھ
 کینا ہتام کران
 کینا زِ آدم ذاتھ
 ذَا اُزن با گرتھ
 پانہ آدم رتھ چوان
 یا تہ پردن چاکھ دتھ
 وس بر ز مین
 یا تہ پردن منز بہتھ
 پیہ بخش آدمی رتس
 سوے قدر تے
 سے مقام
 خوٰنِ ناحق و چھنہ بز و نہہ
 رتہ کھلہ گزھان
 اوس آسمان

تھبکُن

پیٽہ ہاوے کیاہ
 تھبکہ ناوے کیاہ
 واران بہ چھس
 واران منز
 ڈولان بہ چھس
 ایوان منز
 چھس گن زون پیٽہ ارساتس منز
 چھس تڑیشہ ہوتے برساتس منز
 سنگلاخ مکائن ہنز بستی
 انزان مکینن ہنز بستی
 پیٽہ لگر واراہ
 تمہ آہ نہ کاٹہہ

بوڈ بار شہر

ہمسایہ نہ کانہہ

کیا ہ مشر ووم

تھو و یاد مے کیا ہ

کمر مٹہ کھورم

ا پراد مے کیا ہ

وڑی گو

و نہ چھم نظرن تل

تم روپہ رنگو کولہ

تم سونہ رنگو ڈل

تم وانہ پنجن ہندک شامہ پھر

تم خاب شہلو

تم تازہ سحر

متہ سرگم سازا آر کولن

تتہ ووسہ دروسہ دیو یار بلن

تتہ گر بدے تے گام بدل

تتہ شچھ بدے

الہام بدل

تتہ وبہ تانکے آیام بدل

تتہ قودرتھ باوان سپر بدل

تتہ مکر بدے تتہ پر بدل

تتہ پیر بن ہندک وائساٹھ سو پُن

تتہ سو پُن ہندک تا پیر بدل

تتہ وچھہکھ منوئے روپ بدل

تتہ تیہہ بدے جا گہر بدل

پنہ باسی از بد حال توے

چھس تھکے ناوان پتھ کال توے

مے چھ از گو مت

اسکھاس یہ سون
دکھ کھئے کھئے
چھم از زامت زون
چھلہ چھانگر چھم از کال پُن
دُبانر چھم پِنہ کال پُن
مے چھ سنبلان پِنہ کال تَوے
مے چھ رُزھراون پتھ کال تَوے
مے چھ تھبکہ ناون پتھ کال پُن
مے چھ وڑھناون پتھ کال پُن



اُہی

ہتا ہو آسمانو
 چون گردش
 ژک پھیر
 ژک پھیر کران
 یوہے انصاف چھا!
 اُچھن دون پٹ گنڈتھ
 ژن تھاتھ
 کم قلندر
 گرد منز ساءتھ
 بہ کنیاہ دمہ واٹھ
 چانبن حرفزن
 چھے میانی ذاتھ کنیاہ

اوقات کیا
بہ چائیں عظمیت
یا طاقس
بڑو نہ کنہ
کہیں ماچھس
مگر اکھ کتھ ونے
گنی چھم ستھ ونے
مے آگر ماچ چھم
گزرؤن ڈکھس
یوہے چھم دم
پوشم نہ کانہہ
مے آہی
ماجہ ہنز
بدتس

کھوری کھوٹھس

خُدا یا!

یہ چھا سمسار کھری لَد
یا یہ میوئے کھوری کھوٹھس
کھر تُلان

گہے وُسجاری عالم

کل کڈان

چھکران زن

گہے دوسہ دولہ تہ

سوئچس کران

قادران

گہے!

اخبار ورقو پٹھ تُلان

جائے، تارتخ تہ وار
مے نکھ ہمسایہ سہنر
دپان تکلیف اوُس
سورگہ واسس
گہے!

ای۔میل کتھ
بے میل رشتن ہنر

سدر اپار
میون زر
یُس نہ وچھے زانہہ
تیمر نہ وچھے زانہہ

☆☆☆

ووش

نظر پابند

ہر بن گنڈ

و جو دس بار

لا چاری

نہ کارے کاٹھہ

نہ اتھ و تھ تڑ

نہ مطلب کاٹھہ

کتھن کھو کھر بن

نہ بوزن و آل

دل مڑ تھ

اچھن دون ہنز و زنی

صحرا و بزر

گٹے مڑ گاتھ لے
ر نیو مت انتظار
کل چھ پاگل
اُمی بانہ خاب
پیہ گُس
دپان موسم ووشن ہند
روزِ تامتھ
یو تامتھ ووش و پھل کانہہ
داتہ و پھ دتھ
آسمان
☆☆☆

بہ گس یہ ونہ ہا

مے وؤن نہ کاٹسی

سہ وؤتھ تہ یکدم

روٹن گر بیان

وچھس پھرتھ گوو

یہ کیشہ تہ اوٹم اثاٹہ زوٹن

مسخ گر ن تم اچھرتہ سونہرک

مے پرک زمن

الاو بو رنم

رگن تہ روٹس

مے مؤل پڑاٹن

تہ مؤلہ کوؤٹس

مے وؤن نہ کاٹسی

مے وچھ اچھن منز

پز، کو دو پرتس

کتھن تمس اس

مُشک خبر کزھ

شاہن تہ اسس نہ بولے میز پھنز

مے وون نہ کانس



سہ اوس میوئے

بہ نم تہ اوسم

سہ ماز میوئے

سہ نوآن میوئے

رنگس فرق زن

خیال کس تام

دوباکر میوئے

زبان کا شرم
 بیان پاؤں
 سہ روپ میوئے
 ہنار نیو مت
 خطا تہمس یس
 خطا سہ میوئے
 بہ گس یہ ونہ ہا
 بہ کتھ یہ ونہ ہا
 مے وون نہ کاٹسی
 مے وون نہ کاٹسی
 ☆☆☆

الہ شہر

کلہ چھا کانہہ

کلہم شہرس منز

کُس گائل

تئلہ از بار کلس

دستار

تہ گوہ گوہ مریادا

کلہ دینہ وائل آدم

کھنیہ وقتن

کتہ زن بیہ

کلہ ژڈی آدم تم

کلہ دن پوز

پلہ دستار تھون

سو تہ اُس بدل لگے زُرِ یاتھا

رتہ ہٹے کے صافس

داغ چھلان

نے رُو درِ کئے

نے دستارے

کتہ غارتھ

کتہ چشمن ترہم

نے رُو درِ زبھی

نے زچھرک غم

کلہ کنز کنز لوگو

الہ ہسڑ مٹو

کلہ بدلتھ

لوکن الہ شوبان

الہ غانچ ووسہ دروس

الہ شہرس

☆☆☆

مے چھم ماکر وؤنمت

مے چھم ماکر وؤنمت
 تمس ماکر وؤنمت
 بہ چھس راتھ گو مت
 لگاہ گو و نچو چون
 ژ از چھکھ تہ وؤز کین
 کئے واٹھ اسہ دون
 کڈل چھکھ تہ کر کھے
 ژنے چھے کام سانی
 موئلر چیز میانی
 تمس تانی تارکھ
 رچھم وائسہ از تام
 کمن تاوئن منز
 دتم مول خبر کتر

خبر رکتہ ساتن
 تَمَس پین ضرورتھ
 یگاہ آسہ حاجتھ
 تَمَس جاپہ پوداکھ
 یگاہ آسہ حاجتھ
 تَمَس شہلہ ژیوہ اکھ
 یگاہ ماونس ون
 پُن ناو پہچان
 تَمَس آسہ اُندر اُندر
 اُپر شیشہ مٹلا
 تہ اکہ دودہ پھٹن تس
 اُپر شیشہ مجلس
 یگاہ آسہ حاجتھ
 تَمَس پنہ پزُرک
 یگاہ آسہ حاجتھ
 تَمَس میانہ سبزک

دَاُن تھَر

میانہ ڈبہ تل
پوشہ مہرتن
دَاُن تھَر
چون آسُن
شوب میانس آنگس
بُرژر گرس
گڑھ ژے لگوئے وائس میانی
پھڑ وژ سوتھا پوشے
گڑھ لجن لگوئے جہار
پترن بہار
پھلیہ رنگ
گڑھ ژے گریئے ساز

پائے کار ساز
 دآن تھری
 مس یانوس
 مس چھکھ تہ روز
 کیناہ ونے
 رکتھ کنہ ونے
 گڑھ گڑھن
 میانین غمن وامن بدل
 اندری قبر
 چھس بہتھ ڈبہ پیٹھ
 تہ ڈبہ پیٹھ دورتام
 بستی نظر
 کانہہ تہ وتہ گتھ
 کانہہ نظر

کاٹھہ تہ اکھ چھنہ

تیٹھ نفر

یُس تے چائس یاوس

لولہ سان گلہ میوٹھ کرہے

آہیا

یُس تے چانہن داں پوشن

دان دیہ ہے

اتھ تلٹھ

شفقت

پنج

رُت کانچ

سبز رچ تہ پزرج

اکھ نظر

☆☆☆

وومید

ترٲے طوفان
گلٲے زلزلہ
بیٲے منز
کھونٲے کبتھ
دم بھٹو اوٲد پوک
موصوم شر ہو
گلٲے زول
سیاہ شیطان تر پھر نک
نال تر وٲتھ
چا کر وٲتھ
سر یس، گاشس
ٹھری تھ وٲتھ

اسمانس

گٹہ کار منگان



پڑ دیہ !

پڑ زلونہ دیہ !

گنہ کنی آسیا

گاشہ ییا

انہ گٹہ

پیہ منز

موصومن کوڈ

واش وٹھن

اسن رکھن

آکار زغنم



کچھ تمام

کچھ تمام

بڈ دروازہ وڑ

زپٹھ کڑکھا

بس!

زایہ وومید

☆☆☆

ٹوکہ سؤر

کھ تانی تہ دارن

بے عارن

کرتا متھ

سہون یا ز اُتھ مائتھ

زؤنہ ماجہ ہندس

اُپنہ دس

بے توقع

وُچنے

لاے تہر

ٹوکہ سؤر چھ پڑلان

تارکھ نب

ہے ہاے

ستم گر چار بر میون

مُشتاقِ فدا

تارکھ باشن

انزان

غافل

بے پرواہ

تابان آنگن

تارکھ نب

شیشہ کھنجر چھے زوتان

آنہ پتچ

زؤنہ ماجہ

نہ نہ

سخ ماجہ

سہ تمہ دودھ

پھٹ شاید

☆☆☆

دل چھاگل پھٹہ ٹاس گڑھس

تہہ ہے یا متھ یلہ گئے لاکم
 سوچن لچہ کوڈ ٹاس تہ ژؤل
 کم کم کوہ تے بال ژھنڈن
 پتہ نیونس لہہ واں پانس ستر
 یاد وتن رہدار دواں گو
 گنڈی زالو منڑی زن نہہ دور
 ہلو ہلو وٹہ پود وٹہ رؤشتہ ژؤل
 ہتھ گئی ماجہ چھ شر روشن
 تمہ سے پتہ پتہ بڑوٹھ پوگس
 کھور ٹھہرووم
 ژاہہ باجن ہند چیر گیش بوزم
 نظراہ تر آوم

بونہ شہجار وچھم
ہارن زینن
تہ پچہ پلون
ماتہ ملزار وچھم



ٹٹہ وار کورم
قرنہ پھیرا ہیو
. واون دیٹ ورتاوس پھیش
پن آیہ زھینز زھینز
زن اُسر اُمی
گھر آے پھٹ پھٹ
دل پھٹ پانے
گلگرایو زھچہ باکہ کوپاٹھن
وڑ ملہ دژ تلوارن تہزک

هوئس تھر تھر

مؤلن الہ الہ

شر گے گر گر تلو اساه

ٹکھ ترؤم ہتھ لکھ ساساہ

موچھ منز زو ہتھ دؤر ژؤلس



دم سنبلوؤم

دوش ترؤم

چھوت چھوت اکھ دروینا ڈیوٹھم

زن تہ وړق ایتھاسک کانہہ

لوت لوت وئی نم کتھ وړکیں ہنز:

پیٹہ قاد نظر

رتہ بانہ چکر

رتہ داؤر زبان

بے معنیہ اچھر

پیٲہ کوچس کوچس کال نژان

پیٲہ تان وٹان اِ لاش سمان

مے چھ تھو وُمت پڑتھ کُنہ قبر لیکھتھ

کوس لاش تہ کوس کوس آس دفن

پیٲہ باسی پیٲہ کانہہ گرہز کتھ

سرتازِ حقیتھ باکہ تڑھٹان

ونہ کھے تہ بیہ ہاوے وُنی کھولتھ

لاش آسن پنجر گمتر

گل آسن آسن بر گائتر

موچھ مؤران آسن وُنیہ ارمان



شاہ ماتر وُوم

وبتہ روُوم

یہ چھ نون چھوکن
 یہ چھ تراش پکھن
 دل چھاگل بھٹہ ناس گرتھیں
 دلہ داپس پھرو
 جھوڑم

جایز چھا بار کڈ بن منز پھیرن
 نتہ وورے چھکھ
 رتہ دا ور گرتھکھ
 رگہ نے سز نہہ چھے
 دگ تنی
 دھپس نہہ پانس

☆☆☆

خاب

خاب اکھ چھم خانہ مول

دوہلہ وچھمٹ چھم

دپن منز روچھم

مے ماس نہنڈر وچھم

واریاہ دوہدش

گئے اوسم

تہ شونگئے ما دیشن زائہہ

بہ کتہ شونگہ ہا

منزلی مہراہ اوسم

راآئی راتس

لولہ للہ ناؤن

بہ آسا یا نہ آسا

لاگہ تيمہ دودھ

جامہ عملی خانہ مول

خبر کس آسہ

وڈ اسبند تہ کانگر ہتھ

گنڈ بس دستار کانہہ

گو زھس آسن

بہ کر ہس

زیوٹھ میوٹھا اکھ

تہ ونہ ہس

خاب میون

☆☆☆

تپلے سڑکھ

و انا کھ ویکھن

کپلے کال کرہن

سُر پھن وِر ج

واش کڈتھ

تپلے سڑکھ

زندگی ہش ہو بہو

عار کڑ

اتکساسہ رؤس

بے مروت

بدلجاظ

حادرشن تے حارک ثاتن ہنر دِلیل

بُتھ مگر پلگل سپاٹ

باوِ رُوس

گیندِ وِراے

سمیہِ گرِ کنز

ژءِ کر پھیر

مان لُچمڑِ موسمن

رؤدِ ژادر

سرٹکہ لوتہ لوتہ بُتھ چھلان

آکھ ساری


داغِ کلہم

غائب

ساری نشان

☆☆☆





Chashman Chashman Khabich Kath

(a collection of Kashmiri poetry)



KALHAN KOUL

H. No. 31, Lane 1, Bolck B, Roop Nagar Enclave,
JAMMU J&K

Mobile : 9858294130



ADHRIT PUBLICATIONS

PTD. BY : VALLEY PRINTING PRESS